

辛巳劉大夏為浙江左布政使
癸未國子生薛五授中書舍人五南京兵部尚書薛遠之子
以軍功陞

乙酉宣府龍門所守備左監丞陶亮完戾調萬全左衛以守
備萬全左衛太監謝銓代

己丑國子監博士張應奎為河南道御史


辛卯前總督漕運右副都御史李昂卒昂字文舉仁和人景
泰甲戌進士授工部主事歷守青州治稱最墾田五千七百
餘頃賑飢民百二十萬流亡復業五萬二千五百家擢福建

左叅政累進右副都御史巡撫江西討平信豐安遠武平上
杭等巨盜又討兩廣狼狽夷頗縱吏卒多暴橫望頽滅

陳善曰語云馬或奔蹏而致千里士或有負俗之累而立
功名如文舉長才遠略所至輒有建樹卓卓可紀彼其所
存者大矣即不能繫于衆口又可多訾耶

兩廣總鎮太監王敬提督右都御史閔珪總兵官毛銳討古
田徭賊分四哨副總兵馬俊右叅議馬鉉自臨桂入中伏俱
被矢死及千戶王珊等俱鎮撫官俸

乙未疏南贛衡永益法濟南廣興軍



築永平麻谷山採礦

丙申鎮守薊州署都督僉事李銘致仕

戊戌壽寧伯張繼進封壽寧侯益祿二百石

己亥兵部郎中艾璞行人高胤先使朝鮮刑部郎中沈岸行人董振使安南頒詔

四月癸卯琉球入貢

巡按陝西御史李興與寧夏巡撫韓文訐奏以興酷暴械入京下獄

庚戌寧夏地震

甲寅加鎮守薊州寧晉伯劉福總兵官凡武臣不佩印不稱總兵至是福以請尋給總兵長印此後制稍變


乙卯徽府紀善龔天錫言徽王遠祖訓三十一事命司禮

太監李榮駙馬都尉周璟勅諭王省改

丁巳釋輕囚

偏頭關地震

戊午前太子少保禮部尚書鄒幹卒字宗盛餘杭人父濟少詹事幹正統己未進士授兵部主事歷武選郎中值北狩超右侍郎處繁應變景泰初改禮部考察山西賑河南鳳陽至



今官家居值歲飢奏賑 上勅勞之比至先不起清慎自持
終始不易年八十四贈太子太保謚康靖

前南京禮部尚書黎淳字太朴華容人天順丁丑進士第
一授編修進右諭德少詹事歷吏部左右侍郎南京兵部尚
書耿介寡合議論不隨門生某宰華亭遺紅雲布即題其封
曰古之為令拔荼植桑今之為令織布添花吾不用此妖服
也其嚴峻如此贈太子少保謚文僖

庚申益州衛地再震

辛酉巡撫四川右副都御史邢表言故翰林學士承旨宋濂

卒夔州瘞蓮華池山下乞贈謚祭葬下禮部

癸亥香河縣雨雹傷禾


乙丑莒沂安邱郟城大雨雹傷人禾

丙寅易州山廠工部左侍郎潘禮致仕

五月庚午朔荆府樊山王見濬奏兄荆王見瀟陰懷悖逆 上
命太監蕭敬刑部侍郎戴珊按之盡得其奸狀以聞

癸酉 太廟後殿成兵工部尚書馬文升賈俊進太子少保
乙亥金星晝見

辛巳太僕寺卿曾鑑為工部右侍郎理易州山廠



大學士邱濬乞按內閣藏書分類具數又建重樓藏 寶訓
寶錄從之

乙酉土魯番入貢獅受之禮科都給事中林元甫乞卻之下
禮部

丙戌 上告太廟奉 懿祖帝后于祧殿

壬辰曹州學州正濮琰言州東北五十里雷澤鄉堯塚及母
慶墓元末入為僧寺今寺廢乞立祠命葺之

酉刻南京金星晝見

戊戌廣州卒求增餉大掠撫定之斬戎首三人

六月庚子朔右副都御史鄧廷瓚巡視貴州兼提軍務

癸卯災傷免畿內今年備內馬十之三


御史彭程言光祿寺作皇壇器用乃 先帝齋具竊謂 陛

下即位此類俱廢何為而猶製之哉李孜省繼曉邪說耗財
先帝信之彼二人竟不能自克又妄有福壽之理萬一 陛
下有此處舉也望遏之于將萌無此舉也當治臣下逢迎之

罪 上以暴揚 先帝過舉下鎮撫司獄

甲辰廣西永安長官司復改永安州 成化間設州奏
紘奏仍長官司

內府光祿寺課程自白糧外俱停解收直置辦四川按察使



知事王勉言之

丙午岷府南渭王音壑薨年五十五謚榮順

戶部左侍郎吳原請從祀先儒龍溪陳淳出朱子之門有易本義大旨論孟庸學口義學者稱北溪先生下所司

丁未水災免廬淮鳳揚徐滁和去年田租有差

入宣府小白陽堡


辛亥戶科給事中叢蘭諫造皇壇器皿命光祿以數聞光祿寺卿胡恭等謂欽安殿脩齋辦之上責蘭皇壇所自蘭以本寺領狀對于是胡恭等引罪謂成化中乾清建皇壇脩齋

今誤為皇 上責其支吾奪月俸

癸丑月犯建星

癸亥月犯畢宿

初御史馮玘奏土官子孫仍赴京襲秩巡撫雲南右副都御史王恕言土官在邊方往回動經萬里貧富不一及至京師有保勘不明會奏未到累年不得承襲是以特恩免其來京委官勘奏是乃懷柔遠夷革弊省事之良法若玘所奏令赴京承襲俾知朝廷之盛自足以消其邪心而不便之事有所未免宜從其舊從之



甲子寧夏地震明日又震

戊辰代府懷仁王成鈿薨年三十一謚恭和

七月庚午前禮部右侍郎艾福卒襄陽人天順四年進士

甲戌王鼎丁養浩樊廷選郭鏞周進隆張綸金獻民王哲俞
琳韓春王珀方榮劉紳張天衢榮華劉芳張徽沈元楊鍊劉
偉國瑀高崇熙張聞連盛為御史

增南京巡街御史二人舊一人

乙亥定在省有印題奏徑自封上餘赴通政司

丁丑南京神機營小教場俱用勳臣

戊寅修湯陰岳飛祖塋有司歲祭鴻臚少卿李鏞言之

南京右府都督同知王銓卒

庚辰卜入古北口羊兒谷

壬午裁定問刑條例

陝西禮縣地震


癸未卜入宣府鎮安門墩

乙酉嘉祥訓導婁奎請訪曾子遺派在江西贛榆者授博士

主祭下所司

戊子重修禮部成

國權 弘治五年



已丑哈密衛故都督僉事賽亦撒隆從子馮亦虎仙都指揮使哈利參俱為都督僉事

辛卯雲南曲靖衛知事李晟上正兵政語正兵要旨文武通訓報寢


甲午南京戶科給事中楊廉等上六事曰停講月日仍令講官更直俟顧問曰近詔許直言數月寂無所聞豈人猶有所顧忌耶曰疏吳中水利停額外織造曰問刑條例重加竄定曰凡大政乞悉召大臣入議仍令給事中御史隨入駁正下所司

戊戌巡撫貴州右僉都御史高崧年襄城人成化二年進士八月己亥朔曉刻火星入鬼宿犯積尸氣星

辛丑禮科給事中王綸上六事撫流移急賑濟緩催徵均優卹時播種汰冗官下所司

癸卯少師大學士劉吉致任 上欲封張后兄弟吉請盡封周王二太后家子弟乃可 上不懌遂乞休吉險忤善傾人久珪物議懼臺省紕已夜造請餌以超擢人目為劉棉花以耐彈擊也

王世貞曰劉博野非君子也其去乃以不封張氏周陽曲



經 君子也其出乃以壻曹元陳師召音悶者也獨持不
牙閹直倪舜洛岳表者也送閹人賜喪人固有不可必
者也

晉府慶成王鍾鑑子女九十四人巡撫山西左僉都御史楊
澄等恐收養異姓勘實奏自正妃外限妾媵四人各將軍三
人中尉二人從之著為令

丁未曉刻火星犯木

戊申吏科給事中葉紳刑部郎中顧源廣西勘事回上十事
曰遠方有司為貧而仕豈肯盡職乞選附近廣東湖廣江西


能吏陞授曰國師初廣西官軍十二萬今萬八千人乞募壯
勇籍土兵曰選部曹駐梧州專理兩廣糧儲曰廣西軍職自
將下選本省及廣東湖廣將領庶諳地形習險僻曰將吏恭
必武技曰土官襲替仍令赴京曰儒學官全設量裁省曰兩
廣軍秩襲替俱赴四川納銀救荒免比試今廣西災甚宜納
廣西布政司曰土官例三年進馬乞准輸十二金 上從之
已酉壽寧侯張巒卒興濟人補諸生貢太學以女 皇后貴
恩賚之盛戚畹莫與為比頗自溢年四十八贈太保追封昌

國公謚莊肅

國權

弘治五年

七



庚戌勅工部左侍郎陳政兼右都御史總理河南水道時
黃河復決荆隆口東潰黃陵岡注張秋入漕河與汶水合而
北行

癸丑 皇妹薨追封仙遊公主

乙卯兩浙災右僉都御史張文昭巡視賑濟文昭喪母改戶
部左侍郎吳原兼右僉都御史往

丙辰海豐縣雨雹

戊午曉刺南京壽星見夜月犯六諸王星
己未寧府宜春王磐姚薨年七十九謚安簡

辛酉蓋州衛地震

壬戌水旱停山東河南備用馬十之三還兩直隸山東浙江
河南清軍御史

乙丑水災停浙直額外織造

九月己巳朔鳳陽知府童銳應詔上四事曰專責任便轉輸申
禮制慎征伐下所司


壬申虎刺撒國回、怕魯灣等國自海道入京貢方物以非
塗卻之僅給贐

寧夏地震

國權

弘治五年

十二



甲戌太常寺卿兼侍讀學士傅瀚致仕
庚辰郭繼宗彛為南吏京御史
河州地震

辛巳命太監白俊駙馬都尉蔡震徵荆王見瀟見瀟不道幽
母妃魏女死殺弟見溥逼淫其妃何氏留之又逼淫從弟見
潭妃茹氏日約惡少私出奪民子女殺鎮國將軍見滄見瀆
事聞遺書宗室議其罪賜何氏死奪茹氏封

壬午以隸卒詐取獄囚刑部郎中車震陳章負外郎蔡相陳
宣郁容主事朱儀侯直仲本張愷姚文瀾張景琦朱青李充

嗣俱下獄調外寔真定同知相商州宣夷陵州餘俱通判時
邏校多私請寔等拒之媒孽其罪

甲申代府博野王聰奏薨年三十五謚端穆

丁亥大星隕信陽渭南地震


辛卯絳州地震

乙未臨洮地震

十月戊戌檢討倪福紀鏞為衡府左右長史

己亥蓋州衛地震

甲辰江西按察使魏富為右僉都御史巡撫順天



卜入宣府龍門所
昏刻月犯牛宿

乙巳前南京工部尚書程宗卒宗常熟人景泰辛未進士授
刑部主事歷右都御史巡撫雲南處木邦益密事釀患西副
南滇人羞稱之前以負外郎守吉安民群赴京師請留晚乃
大謬惜哉

夜火星犯靈臺上星

己酉傳制封觀鈞寧王祐檉興化王祐樞太和王祐枳廣安
王安澤信陵王寘鏞弘農王寘鐸安化王寵淹衡陽王恩錦

沅陵王成鑄潞城王

木星晝見夜月犯外屏西星

庚戌止寧夏採豹

壬子廣寧前屯衛天鳴

癸丑曉刻月犯天高星

甲寅夜月犯司怪星


乙卯立故建寧知府張瑛祠于建寧正統末擊盜死
給哈密忠順王陝巴婚費如一品禮

卜入大同分水嶺

國權

弘治五年

十四



丙辰水災賑廣惠南韶

已未宥御史李興死與彭程皆謫成程成隆慶衛諸大臣及王恕各請宥程不許久之釋為民

癸酉金星晝見南京木星見

提督軍務右副都御史鄧廷瓚總兵官鎮守湖廣鎮遠侯顧溥都督僉事王通討貴州都勻清草叛苗太監江惠監軍御史黃弦紀功合雲貴川廣兵八萬人

癸卯張遇郝鎰為南京御史

丙寅前少詹事兼翰林侍講學士程敏政左春坊左庶子兼侍讀張昇並復秩錦衣衛千戶葉通言其枉

十一月乙巳南京金星晝見

甲戌卜入寧夏威鎮等堡

乙亥福建提學副使羅璟為南京國子祭酒


南京風霾

以水災免應天蘇松常鎮歲辦三之二

丙子左府帶俸成安伯郭鎮卒

丁亥御史唐相以巡按廣西失訪外戚謫永城縣丞

辛卯安鄉伯張寧卒



閉溫處銀礦

曉刻火星犯上相星

十二月戊戌進士王中為南京御史

辛丑命合州祀宋州知王堅張旺俱殉者

庚戌謝綬為南京御史

冠蘭州

夜東方白氣亘天

壬子巡茶御史竇祥苛罰謫萬縣知縣

癸丑月犯軒轅右星

丙辰張鶴齡嗣壽寧侯傳陞通政司經歷高祿為右叅議巒
妹婿也吏部尚書王恕謂祿進士自足遠到何藉戚屬不納
又巒次子延齡授都督同知并陞張嶙正千戶張岳張麒副
千戶張倫張紀張恪百戶

廢荆王見瀟為庶人錮于西內克校毛剛等棄市以樊山王
見滌不早言草祿三之一

戊午夜月犯角宿火星犯進賢星


己未錦衣衛正千戶周賢原貢士仍乞會試特許之重慶大

長公主之子

國權


弘治五年



去




戊申水災免杭湖嘉興紹興金華今年歲辦蓮薑等三之二
甲子裁浙江管礦右叅議僉事各一
丙寅秦府臨潼王誠潔薨年四十謚和僖
是年定民牧十丁共兕馬一牛一十五丁騾馬一計歲科俵

國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.



3393409 v.26

國家圖書館, NATIONAL CENTRAL LIBRARY, TAIWAN, R.O.C.





國權

弘治六年癸丑

正月丁丑朔遼東都司及復州蓋州金州衛地皆震

甲戌平鄉伯陳信卒

壽州同知董豫上三事覈田糧脩陂塘遵舊制其稅糧上倉

俱里甲自運從之

乙亥廣東按察僉事沈銳專理鹽法

丙子卜入宣府西路

國權



弘治六年

一

鹽官設遷孺木著



國家圖書館, NATIONAL CENTRAL LIBRARY, TAIWAN, R.O.C.



昏刻月犯司怪星

巳卯 上南郊

癸未兵部主事莫聰上六事平差役去冗官處置清勾逃軍
留災傷地方操卒存雜差正軍實軍戶 上從之惟勾軍仍
其舊

南京風霾


丙戌私闖數百人擊登聞鼓求用俱下鎮撫司治罪

丁災水災免山東鹽課六萬八千餘引

巳丑部院大計降斥千四百人雜秩千一百三十五人其兩

司郡守老疾等以實蹟上縣亦_未三年亦核上吏部尚書王恕
具報 上以人才難得兩司郡守年未及六十雖疾不妨視
事素行不謹在任前見任不謹罷軟非本部確訪或止一處
開列并其餘到官未二年非老疾貪酷著者俱留任
庚寅募民納粟于貴州都勻清平資餉
故鎮守廣西都督僉事馬俊贈加都督同知子振襲都指揮
僉事

先是勅安定王干奔送哈密忠順王陝巴家屬干奔不從云
陝巴不宜王王宜綽免加即前罕慎侄干奔弟也廷議前徵



綽兒加不至何反覆為命諭以哈密始末

癸巳吏部奏命復奏留外官五十八人

二月庚子太常寺少卿李東陽少詹事陸簡主禮闈俱兼翰林

侍講侍讀學士

曉刻火星犯平道夜金星犯羅堰

辛丑河南按察僉事史俊兼整飭鳳陽兵備

壬寅巡撫右副都御史閔寔山海諸關張琳閔寔居庸 魏富

諸關墩牆器械


癸卯賑江西武寧縣水災

甲辰懷來右叅將都指揮同知盛忠私卒伐木塞外被殺不以聞羅忠并撤奉御張勝

乙巳提督倉場戶部左侍郎秦民悅署部事巡撫應天左副都御史侶鍾為戶部為右侍郎提督倉場工部右侍郎徐貫為左侍郎巡撫湖廣右副都御史謝綬為工部右侍郎

己酉襄府棗陽王見沔薨年三十謚僖順


辛亥巡按山東御史李善請築遼東邊牆下所司阻遼河為固濱河八百餘里夏旱水淺不及馬腹冬寒冰凍如履平地况地窪雨濘開原有警則錦義廣寧之兵徒望歎耳舊有陸



路自廣寧抵開原三百餘里如開舊路展邊牆起廣寧棋盤
山抵開原平頂山移八百里之成聚首三百百西路錦義中
路廣寧東路遼陽北路開原聲勢相接可無東顧之憂報可
甲寅吏部奏詔錄常遇春玄孫復李文忠玄孫璿鄧愈五世
孫炳湯和六世孫紹宗世襲指揮使各注近衛祖瑩奉祀
丁巳浙江左布政使劉大夏為右副都御史治張秋決河役
十二萬人大夏既抵任議河勢悍張秋乃下流襟喉未可即
治分導其上流南行復長隄禦之且防大名山東之患俟其
循軌決可塞也

戊午吏部尚書王恕求去不允大學士邱濬初與恕同官以
部班其下及直閣恕猶倨其上濬不樂會大計中旨留九十
餘人恕固爭言官拾遺恕開諸評語及摘單 上謂不實令
再核恕復執疏三上遂堅退

馮時可曰三原雖公但惡惡太嚴亦有為人所欺者方大
計時內旨所留皆 上使人密偵得之大都強項吏不宜
時者非有奧援旁徑三原堅執致失 上心至立傳一事
遂令魚水之契不終然其始終一節侃々不變塞誠孔子
所謂大臣也



辛酉兵科給事中吳世忠乞表建文殉難諸臣方孝孺周是

脩鍊子寧黃子寧鄒公瑾魏公冕顏瑋齊泰等下禮部

昏刻南京壽星見

甲子曉刻金星犯壘壁陣西星

乙丑嶧縣地震

三月己巳四川雲南左布政使何鑑韓文並為右副都御史巡

撫應天湖廣

故廣西布政使右叅議馬鉉贈右叅政子效才入太學

脩武伯沈坊卒

河南山東山西直隸旱下巡撫禱嶽鎮海瀆

廣西猺賊流劫瀧水縣

壬申曉刻土星犯壘壁陣西星

癸酉命會試乙榜俱就教職


火星犯上相星

乙亥臨洮地震夜月犯軒轅

丙子寧夏地震

丁丑禮部議處廣東番船私船禁而不絕番船禁而不至令

復番船無違碍者館禮以聞否則阻回從之



戊寅夜白虹亘天

庚辰廷策貢士汪俊等三百人賜毛澄徐穆羅欽順等進士及等出身有差

癸未曉刻月犯房宿

甲申金星犯壘壁陣東星

四月丙申夜火星犯左執法星

丁酉免大學士徐溥早朝

蝗災免遷安撫寧田租


戊戌賜郭琥冠帶奉祀滁陽王

寧夏地震

己亥土魯番速檀阿黑麻夜襲哈密殺百餘人忠順王陝巴都督僉事阿木郎據火土刺以守大土刺華言大土臺也三日不下阿木郎遣調乜克力瓦刺二部兵為援皆敗遂殺阿木郎執陝巴以去牙木蘭守據如故事聞土魯番貢使撒刺巴失等二十七人尚在境馮亦滿速兒等三十四人在京師命拘留之甘肅勅責阿黑麻

辛丑設雲南賓川州大羅衛

禮部尚書耿裕等請還土魯番貢使停賞允之



祀宋儒胡安國于衡州子宏祔

甲辰開封衛輝東昌兗州及元城地震

己酉兵部右侍郎張海府前都督同知維謙經畧哈密

癸丑太醫院判劉文泰許奏吏部尚書王恕矯詐強悍選

舉非故事里居日託南吏部侍郎王儼作傳錄曰大司馬三

原王公傳于疏留中者皆曰不報彰先帝遇自此伊周無

人臣禮怨疏辨請究文泰所指意邱濬也

追贈外戚瑞安侯王源父鎮阜國公謚康穆

甲寅火

乙卯張恂嗣安鄉伯郭寧嗣成安伯

郭寧郭鏞子

沂水縣大雨雹殺麥黍

丁巳寧王宸濠襲封請復先靖王所草祿三之二許之

庚申前太子少保禮部尚書張文質卒昌黎人正統七年進

士重厚以孝稱

曉刻月犯外屏星

辛酉南京戶部尚書秦紘考績入京通理致仕前右都御史


俸被詰責

久旱勅修省

國權

弘治六年

七



夜南京舊內火

五月丙寅代府靈邱王任塲薨年六十二謚僖靖

湖廣應山人張本華婦崔氏生鬚長三寸

卜入寧夏廟山墩指揮王良趙壘以三百人禦之卜伏七八

百騎突起趙壘死之

己巳淮世子見濂卒謚安懿

庚午陝西延綏管糧僉事三歲三更

辛未編修馬廷用為侍讀

下劉文泰錦衣衛獄鞠之

壬申吏部右侍郎周經兵部尚書馬文升工部尚書賈俊尹
戶部尚書葉淇禮部尚書耿裕侍郎周經等各應詔言事皆
優答之


甲戌冊 皇妹永康長公主駙馬都尉崔元尚之

乙亥寧夏地震

戊寅增設慶遠府永順永定二長官司

右府都督僉事李景卒西寧衛人會寧伯李英子襲錦衣都
指揮僉事

昏刻月犯鍵閉星



庚辰水旱免荆黃去年田租

茂州地震

丙戌劉文泰獄上謂故都御史吳禎詆王恕傳疏中引五子之歌又大學士邱濬云刊傳此沽直謗君也命降文泰御醫燬恕傳

王世貞曰按播紳之言皆以文泰此舉出自邱公然三原止合辨其事力求歸林不當參奏文泰欲于午門會鞠主使及所謂非老于文學陰謀險計者不能也大臣恬靜之體與事君恭順之道惜乎無為公謀者蓋公北人伉直少

文之故而憲章錄亦似為賢者諱也

辛卯各王府食鹽定運司輸直

壬辰左春坊左諭德曾彥乞宣召大臣參決章奏納之

閏五月乙未水災免應天蘇松去年田租百八十二萬六千六百八十四石芻八十餘石

戊戌裁廣東雷廉兵備副使


隆慶懷來衛地震

庚子湖廣左布政使劉喬卒萬安人成化二年進士

壬寅京師雨雹

國權 弘治六年

九



甲辰太常寺少卿李東陽上封事俱引孟子以近事証之章
下所司

南京戶部員外郎周琦言廣西古田馬平山賊宿禍征之策
有三如成化元年發兵二十餘萬班師後立土官招流民給
田免租三年徭六年而運湖廣江西廣東之粟接濟此遠圖
一也若止調兩廣官軍田州思恩泗城南丹等土兵六月調
發九月進山十一月冬至後散卒十二月撫殘徒明年正月
安置則殘徒各借牛種可以資生此近利二也又全勦不如
獨攻明捕不如暗執若賊發待檄豈能坐斃宜不拘時月撲

滅此兵力不勞錢糧不費而事濟三也從之

陝西禮縣地震

丙午脩撰王華為右春坊右諭德

丁未薊州大風雷拔木偃禾牛馬多震死

己酉署通政司事工部右侍郎謝宇卒耒陽人工書繪直文
華門自中書舍人至今官性警敏善承人意子汝賜進士

卯州嘉定州叙南衛地震


癸丑右副都御史張敷華仍提督鴈門閩兼巡撫山西

乙卯吏部尚書王恕致仕恕起田間譽望冠代及被萋菲疏

國權

弘治六年

十




二十餘乃允君子惜之歸集歷代名臣諫議錄百二十卷年
八十四作石渠意見年八十六作石渠意見拾遺二卷年八
十七坐玩易軒參考易說年八十八作重石渠意見一卷其
讀書至老不倦嘗曰學如不及幼學且然况將盡之年來日
七几乎

馮時可曰王公以直著人方魏立成然于 憲廟時真稱
批鱗于 孝廟直順風呼耳魚水方契駭波潛發故知終
始遇合其難哉以公徽、侃、死生進退無介于懷而猶
丐一傳自表名根之難去如此孔子曰君子疾沒世而名

不稱豈其為是然公據尊踐嚴萬里几席龍潤九野鶴鳴
九臯孰不瞻聽而欲效幽貞隱士期附青雲加丹雘以施
後世豈其未見夫焚書削草鍾山之瑕明月之類胡能掩
也彼甘為壬人以齟君子又何責焉

光祿寺卿胡恭等奏乾明門猫十一刺蝟五西華門天五十
三御馬監犬二百十二虎三狐狸三豹一土豹七及西華門
鴿子共歲計豕羊肉并皮骨三萬五千九百餘斤肝三百六
十件菜苴粟穀等四千四百八十餘石俱乞減省納之出御
馬監狗九七十九隻牲口房雞鶩鴨豕俱供光祿寺



丙辰南京右副都御史黃紱致仕

夜大星自奎宿流閣道

己未水災免祥符陳留原武邱濬去年田租

六月乙丑禮部右侍郎費閻卒字廷言丹徒人成化乙丑進士

第一授編修歷祭酒久改少詹事至官今慷慨恭謹有公輔之望所著自考詒笑補庵等集

丙寅蝗飛過京師三日自東南向西北蔽日

丁卯山西石州天鳴

戊辰南京總督糧儲右副都御史劉瑀致仕

壬申古田撞賊平


癸酉庶吉士顧清趙士賢蕭柯沈燾曹瓊吳一鵬楊昇曹鏞汪俊周玉黃瀾胡燿王鎮任良弼吳舜許天錫薛格陳格陳陽王崇文太常寺卿兼侍讀學士傅瀚太常少卿兼侍講學士李東陽教習

乙亥申嚴考察奏辦之例

丁丑錦衣衛指揮使錢通卒涼州人祖荅錦衣指揮僉事父

奄卜指揮同知征湖廣功賜通錢姓雅飭恂特予祭

戊寅趙府襄邑王見沂薨年三十六謚榮惠



癸未河患免蘭陽考城儀封夏麥

趙府湯陰王見隼蒸敗伶蒸繼母趙氏賜死

丁亥李介服闋補左僉都御史

京師大霧四日

戊子報土魯番糾卜牧北山欲寇甘肅勅邊臣備之兵部尚書馬文升討土魯番至哈密十數程哈密至黃峪又數程路乏水草貢夷備水而行遠來肅州彼豈能全歸哉特虛聲恫喝耳卒不至

辛卯禮部左侍郎倪岳為尚書太常寺卿傅瀚禮部右侍郎

七月癸巳朔蜀王申鑿薨年三十五謚曰惠

壬寅前南京太僕寺少卿李應禎卒字貞伯長洲人貢士成化初授中書舍人直文華殿遷南京兵部員外郎歷少卿工楷書在中翰命寫佛經奏天下國家有九經不聞佛經也忤旨廷杖罷直文華殿


馮時可曰李貞伯不為大閹用不為異教移卓矣哉官不期榮家不求豐慕義行仁以遂其志夫豈徒節俠士蓋知道者哉

丙午清屯田

國權

弘治六年

十三



丁未山西左布政使李蕙為右副都御史總督南京糧儲

戊申起右都督御史屠浦署院南京光祿寺卿態熊懷為南

京刑部右侍郎

庚戌刑部尚書彭韶致仕

辛亥吏部左侍郎張悅為南京右都御史


丙辰寧遠縣天鳴

南京右通政強珍歸養

戊午初兵部尚書馬文升言北嶽恒山在渾源州李唐有飛石曲陽之祠宋失河北地白溝河為界遂祭北岳于曲陽

國朝回之祭于故都之南非其故封禮部尚書倪岳議曲陽歷漢已然太常寺卿范拱言軒轅居上谷在恒山西舜居蒲坂在恒山北未嘗據都改岳上然之

張志淳曰馬公嘗語予倪非以志可必信也其父謙嘗遣祀曲陽禱神生公因名岳以是固執不改然舜巡狩所祀北岳見在渾以南二十里彼人猶知奉祀而顧可往曲陽西百四十里祭乎殊非禮矣唐失河朔神不享而飛至曲陽宋踵唐亦勢使然也今舜祭之地既在山西而信志言悞也



南京禮部右侍郎徐瓊為禮部左侍郎或劾其援外戚不聽
己未太子少保南京兵部尚書張瑩卒字廷器華亭人正統
戊辰進士授御史風裁頗著惟寬簡所歷能舉其職年七十
一贈太子太保謚莊懿
馮時可曰莊懿渾噩寬平斥城府滌津畔九事務存大體
不喜訐激然中寔介介不弛法守艱鉅當前應之自中窾
綮其視與波沿洄外稱醇酎內挾陰陽相徑萬里莊簡悅
同時稱南北張並重若雙璧里語有南日北霜未諦其然
要之操冰心則一哉

庚申南京壽星見

八月癸亥朔寧夏地震

乙丑進士王鉞路麟李師儒何洽楊鐸劉溥翟敬徐滋譚溥
王序為檢討教諭侯相趙珩蔡材張夔楊敬鈕天錫劉濟李
文泰趙通吳叔和為待詔各直壽王汝王溼王榮王
丙寅右都御史白昂為刑部尚書吏部右侍郎周經為左侍
郎少詹事吳寬為吏部右侍郎


己巳長子縣雨雹傷禾臨晉縣雨虫如雪

辛未南寧伯毛文卒

國權

弘治六年

十五



京師雨雹潮州地震昏刻月犯建星

壬申夜月犯牛宿

丙子蓋州衛地震

丁丑夜月食

庚辰詔孟密安撫司改隸雲南不屬木邦以連兵不解也

夜月犯畢宿

癸未暹羅入貢

夜月犯井宿

甲申前南京左都御史黃紱卒字用章先封邱人成平越衛

登戊辰進士授行人歷撫延綏增築邊堡起南戶部尚書改

留臺年七十八性廉峻直執遇事聽發忤時貴勿恤智巧所

避能毅然肩之人稱硬黃

丙戌南京太僕寺卿張謙卒清苑人成化二年進士居官無

失德

戊子南京工部尚書侯瓚改南京兵部尚書

庚寅曉刻木星犯靈臺星


九月壬辰朔郊城縣地震

甲午郊刻南京木星見

國權

弘治六年

十六



丁酉旌雲南孟璉長官司土官舍人刀派羅妻招曩猛年二
十五矢節二十八年雲南都指揮使上其事

己亥中旨徵四川光相寺番僧國師領占竹入居大慧慈恩
寺禮部爭之命領占竹自贖不得乘傳

桐柏縣天鳴

壬寅大理寺卿馮貫為尚京工部尚書太常寺少卿董越為
南京禮部右侍郎

旱災免河間保定夏稅

甲辰卜入密雲塘山

荆庶人見瀟前作弓弩兵械不軌事復發勒自盡其世子祐
柄并子女俱安置武昌楚王約束之推靖次嫡孫都梁王祐
櫛進封荆王


丁未巡撫山東左僉都御史王霽為大理寺卿

巳酉復戶部官領淮揚 鈔關

壬子大軍進清平分二道兵備副使吳倬都指揮劉英進楊
安副使俞俊叅將趙晟都指揮王楷進清平三關月盡平之

癸丑中府左都督范瑾卒

應天府丞翼綺為南京太僕寺卿



庚申定土官賞罰之法有功州府遞陞應襲舍人先予冠帶
否則革秩視事懲治從按察使陶魯議

十月丙寅災傷免造明年元夕燈火

安南入貢

戊辰築河南彰德彰慶南陽汝寧許州渠堰

庚午建平伯高進卒


辛未以科道諫止番僧領占竹入京

乙亥夜月犯畢宿

丙子禁伐山西塞上樹木

丁丑檢討王鉞路麟李師儒何洽楊鐸劉溥翟敬徐鎰譚溥
王序以藩僚沉滯求定遷法吏部寢之群詬部門下鎮撫司
削籍以路麟不預釋之

庚辰西安知府華容嚴永濬疏諫織絨 上命織者以進
餘悉傳永濬言陝西雜造局織造絨四十九匹先生徵二
十五匹支二千一百七十一金織造十七人又拘成長涇源
四縣各匠三百餘人兩年各匠費七白金餘未完又徵後幣
二十匹若供上方可一襲而止若賞賚則赭黃赤紫非臣下
所當今以三百餘家窮年營辦以供扞軸不堪甚矣



何景明日西安凡三十六州縣土物蓋昂七府而加一二
非古雍秦上地哉然賦役亦加于七府矣夫京省悉有京
運關內則留賦以贍三邊比邊儲外乏百姓內困何耶地
力不加而非賦之供日廣也

亥刻有大星自柳宿至近濁

甲申選京營把總官

復設活頭關主事

丙戌卜入大同商家庄及東水溝

戊子左春坊左諭德曾彥為南京翰林侍讀學士

惠安伯張璿卒

十一月己亥賈斌服闋仍禮部右侍郎

辛丑設雲南彌勒維摩州流官土官無後

甲辰月犯司怪星


丁未前大學士劉吉卒字祐之博野人正統十三年進士授
編修以禮部左侍郎直閣歷少師兼太子太師吏部尚書華
蓋殿大學士贈太師謚文穆遣中官諭祭三有司諭祭十雖
有殊典謂品業何

庚戌光祿寺卿胡泰以吏役私盜降山東都轉益運使司同

國權

弘治六年

九



知

乙卯祀宋臣范仲淹純仁墓于河南萬安山巡撫徐恪以聞

丁巳太僕寺少卿林鳳為光祿寺卿

南京

己未昏刻金星犯土星

十二月辛酉朔進士王宸李祿張良弼吳任偉于瑁東思恭蔚

春李舉張文方矩為給事中

合肥縣地震

申刻南京金星見

壬戌南京大風雨雷電拔 孝陵木鄖陽前大雪是夜雷震

後五日雪止積三尺人畜凍死已葬

丙寅南京左府都督同知馮昇卒寧夏人本番將累戰功質

慎善撫下向慕儒學亦足多也

昏午昏刻月犯畢宿

辛未晉世孫表榮卒年二十五至弘治十五年始追封晉王

謚曰懷


卜入大同關頭墩

己卯諭鎮巡有司官脩省懲貪暴恤困窮防賊寇撫安軍民

庚辰阜平縣天鳴

國權 弘治六年

二十



癸未署錦衣衛都指揮僉事李成卒


甲申脩歸德殷上公徵子祠

丁亥擢儒士潘長翰林待詔先順天尹唐珣至是給事中王
綸夏昂交薦

巡按河南監察御史涂昇言黃河為患南決病河南北決病
山東漢決酸棗復決瓠子宋決館陶復決澶州元決汴梁復
決蒲口然漢都關中宋都大梁縱河衝潰不過瀕河數郡被
其害我國家都北平顯藉會通以運若河決西北大可為漕
憂臣嘗博訪利害得四策夫河流分之則南障之則不北如

飲馬白露等河界滎鄭五河東西間皆內渦入淮之故道所
在淤淺誠令疏濬以分流殺勢則自南行自順天黃陵岡水
易奔嚙倘潰端稍見即與人徒葺理之亦可以捍河之南張
秋等處可無患然水勢無常非得人與專任計無所用之耳
臣觀僉事張鷟見任河南廉幹老成習知水道治河之務付
之必有定畫右副都御史劉大夏令居中裁決庶能展體竭
猷從之

是年置貴州都勻府凌文獻為知府特賜勅令獨山麻哈二
州清平縣都勻邦水平州平浪四長官司隸之



國權

弘治七年甲寅

益官設遷孺木著


正月壬辰兵部尚書馬文升請擇醇謹宮人如衛聖楊夫人豫
教皇太子如內廷之曲宴鐘鼓司之承應不使之觀元宵
之鰲山端午之龍舟不使之見以至佛老之教尤不宜口誦
其言目觀其像一二年後擇內臣如單吉者先誦孝經八歲

教詩書上納之

丁酉上南郊

國權 弘治七年

國家圖書館, NATIONAL CENTRAL LIBRARY, TAIWAN, R.O.C.



夜月犯畢宿

庚子水災免保定河間去年田租

昏刻月犯井宿

癸卯曉刻木星犯靈臺星

寧夏地震

丁未鄧廷瓚平都勻清平蠻班師

庚戌河南水旱免夏稅秋稅

辛亥改作肅州嘉峪關稅之額曰鎮西樓

夜月犯鍵閉星

二月壬戌傳制 益王婚

甲子災異勅諭修省

乙丑旱災免襄陽南陽去年夏稅之半

戊辰遼府枝江王恩錢薨年四十一謚溫穆

辛未昏刻金星犯昴宿

癸酉進士陳鱗李允張顯武臯王選劉蘭郭瑀為翰林檢討

直諸王


甲戌昏刻南京壽星見

乙亥裁浙江水利僉事歸于管屯

國權

弘治七年

二



丙子工部尚書賈俊致仕

毛良嗣南寧伯 毛文之子

復慶廣西柳慶兵備副使

丁丑卜入古北口

曲靖地震如雷傾民居

戊寅復王越左都御史致仕并復子春正千戶時百戶

己卯巡撫順天右僉都御史魏富疾去

庚辰高寔嗣建平伯 高進之子

癸未御史張泰等乞免遣織造內臣不允工科都給事中王

敬言之仍不允

乙酉旱災免平陽去年田租之半

丁亥南京禮部尚書劉璋改工部尚書

增解州鹽三十萬引為七十萬引試行一年巡撫都御史張

敷華以補宗祿


三月壬辰裁河南筦糧叅政巡撫延綏右副都御史劉忠致仕

福建龍溪龍巖縣地震

癸巳大理寺左少卿屠勳為右副都御史整飭薊州邊備兼

巡撫順天

國權 弘治七年



乙未前工部左侍郎杜謙卒昌黎人景泰五年進士少有孝行居官長厚

丁酉戒酷吏歲四月各撫按錄囚八月報上其酷吏除名
己亥張偉嗣惠安伯 張瓚子

遼東廣寧等衛風晦雨虫如蠅久之俱入土又瀋陽錦州城風傾百餘丈

庚子山東右布政使熊繡為右副御史巡撫延綏
水災免懷寧等田租

壬寅建州左衛都指揮使保能之弟伏當加數叛數款至是

誘保能原勅冒貢求都督事露下錦衣獄


乙巳荆世子祐柄虞城王祐楫樂安王祐橙廣濟王祐梲俱廢庶人徙武昌

戊申兩畿蝗命民捕蝗一升予米倍之

辛亥故刑科給事中林霄使暹羅卒其國錄子菲入太學
廣西巡檢司多設土官副巡檢討盜同功罪

登州地震蓋州衛亦然明日又震

壬子周府清河王同鏘薨年三十二謚昭和
癸丑都察院榜禁天下十事縱盜賊害民淹罪囚虐小民



繁科差違信牌積猾濫罰兇徒賭博

丙辰解州見星大如杯俄五之各長數丈如火已天鳴有大星隕陝州聲如雷

四月壬戌朔右春坊右庶子兼翰林侍講王臣

琉球中山王入貢上表

甲子南京通政司經歷張曷為四川按察僉事前御史謫

己巳陝西莊浪衛地震

庚午撫治鄖陽右副都御史王道疾去

乙亥增設雲南陸涼州流知州元謀縣流知縣并改設馬龍

州流知州

丙子陝西左布政使沈暉為右副都御史撫治鄖陽

己卯廣西計擒盜首黃鑑臣前殺副總兵馬俊者

壬午禮部左侍郎丁永中卒大興人樂舞生予祭塋亦異事

乙酉貴州獻俘伏誅磔十一人斬二人

丁亥濬南京天湖二河


五月甲午勅旌代府靈邱王長子成鈺孝行以事父誠至沒廬墓也父仕場子聰馮孝友作述世濟其美俱以孝旌

丙申兵部左侍郎呂震卒安州人貢士授御史歷南京光祿

國權

弘治七年

五



太僕少卿俱盡職有聲擢右僉都御史巡撫延綏有防禦功
進侍郎性夷曠遇事善裁決予祭葬

戊戌南京兵部郎中婁性淵籍初南京守備太監蔣琮劾性
立宿州生祠又侵皂隸銀遣官按之琮又劾性飾牘又南京
兵部員外郎廉燦侵舡價性疏辨而廣洋衛指揮同知石文
通劾琮傷聚寶山脈斃商占軍匠諸不法琮又屢訴蔓引數
百人成大獄又遣官獄上性坐贓免南京右兵部侍郎王繼
遠入朝以不舉下臺獄贖杖回任

甲辰勅內官監太監李興平江伯陳銳同劉大夏治決河

昏刺木星犯靈臺星

己巳下致仕倪進賢閑住荊州知府沃類于錦衣獄進

御史

賢館選授御史以秘戲萬安按四川宣府穢甚類亦萬安降
內鄉令諂事當道遷荊州雖才而貪暴至是俱潛入京營復
被劾下獄贖杖遂還


設遷日宵人敗類使安享長林非所以隆其罰也乃本其
盜行自罹文網亦天寔為之矣快哉

南京吏部右侍郎童軒為南京禮部尚書兵部右侍郎張海
為左侍郎左僉都御史李介為兵部右侍郎

國權

弘治七年

六



水災免徐州豐沛去年田租八千三百四十三石

戊申立貴州獨山麻哈二州改清平長官司為縣各設流官
俱鄧廷瓚經畫

庚戌金星晝見

甲寅右春坊右庶子兼翰林侍講王臣復被劾降南京工部
郎中

乙卯巡撫四川右副都御史梁璟為南京吏部右侍郎巡撫
宣府右僉都御史楊謚回院

六月己未遼東錦州野火不可滅延燒營器几盡斃人馬

庚申限度僧道

辛酉南京金星晝見


壬戌廣東左布政使馮俊為右副都御史巡撫四川陝西按
察使陳紀為右僉都御史巡撫宣府

癸亥南京暴風雨拔 孝陵木

甲子周府原武王同繖薨年四十謚康僖

四川靖夷堡百戶翟深等私卒出境被番賊殺十四人擄十
五人

乙丑高郵康濟河告成初命巡河御史孫衍管河郎中吳濬



治之

丙寅兵部右侍郎張海上哈密六事曰投貴族都督僉事寫亦虎仙等七人官分領諸夷曰哈密馬黑麻打力叛附土魯番導寇其家屬有僑甘州者宜密防曰哈密土魯番戈甲不滿三百兵馬不三千親黨止兄一相仇殺左右才十一人昔狼何欲絕漢趙充國今諸羗毋解仇元昊寇宋种世衡計去野利天都乞勅甘肅守臣俾彼親者相離仇者不解則可圖矣曰閉嘉峪關絕西域貢道曰脩邊曰選延綏游兵三千聽援甘肅下兵部議

辛未茂州地震

甲戌陝西左布政使王衡削籍巡按御史張文降貴州布政司照磨李鸞衡州知府事初文考衡不謹遂至訐坐罪

丁巳立貴州印江縣

戊寅前後府都督僉事李銘卒


己卯錄貴州功進鎮遠侯顧溥太子太保都御史鄧廷瓚右都御史仍巡撫都督僉事王通署右都督右叅將趙晟為都督僉事餘陞賞有差

南京太常寺卿陳音卒音字師召莆田人天順甲申進士館

國權

弘治七年

八



選授編脩嘗疏時政薦李秉羅倫張元禎童懋王徽陳憲章
等草法王佛子真人位號太監黃賜母死侍講徐瓊議予音
怒叱之貌若不慧而卓守不可奪文典寔有致年五十九予
塋祭

李東陽曰平居細事多不經意或遭嘲誚無所校至分別
義利則界限截立中有執守有毅然不可奪者焉古稱仁
者必有勇信哉

王鏊曰語有之仁者必有勇者不必有仁信哉予觀愧
齋先生平居恂恂語若不出口至其疏時事叱邏卒排衆


議何其壯也於乎真所謂篤行君子者乎

辛巳月犯畢宿

七月戊子蘇常鎮江風雨潮溢壞人居

己丑土魯番來貢還哈密之俘兵部右侍郎張海都督同知
緝謙等言西域入貢故事肅州驗甘州再驗今止其使于肅
州必歸罕慎許貢下兵部

設遷曰土魯番之狡甚矣矧我哈密又無歲不貢其殺罕
慎有莎車之罪執陝巴有郅支之惡飾罪以誠使邊臣莫
可控揣其道遠衆弱否則患邊無已時也



南京大風雨壞城樓殿吻拔壇陵諸樹

癸丑巡撫寧夏右副都御史韓文致任

己亥河南左布政使孫仁為右副都御史巡撫寧夏

甘肅總兵官周玉疾去

庚子夜月犯羅堰上星

辛丑大同副總兵都督同知劉寧為平羗將軍總兵官鎮守

甘肅

壬寅昏刻月犯泣星

乙巳改汾州守禦千戶所為改汾州衛

京師地震

勅工部左侍郎徐賈兼右僉都御史理江南浙西水利賈以
主事海寧祝萃從萃歷究原委于是委蘇州通判張旻開白
茆港洩崑崙湖入江開斜堰等塘洩陽城湖入海浙江左叅
政周季麟脩各隄岸共役二十萬六千二百八十餘人論者
謂此舉祝萃之力為多惜急成故白茆港未深廣


庚戌停哈密王封令其眾暫居甘州集番漢兵掩取牙木蘭

辛亥福州地震

遠東亢旱至是大雨水

國權 弘治七年

十



壬子泰寧侯陳桓卒

曉刻金星犯鬼宿

丙甲寅前浙江右叅政陸容卒容崑山人成化丙戌進士授南京吏部主事轉兵部員外郎中出叅藩耿介不苟年五十九

馮時可曰陸公之執法即張釋之何以加諸生持三尺卒行其志雖曰臣直要無特明主聖無所掣抑亦為遭逢矣晚而旬宣遭謗不白公以此日蘊隆而世固不以瑕疵公也詩曰禮義不愆何恤人言庶几于立不惑矣何所惜哉

丙戌雷火焚福州屏山城樓

八月辛酉巳刻大星自中天流至近濁火星隕大同化白氣而

乙丑徐溥邱濬劉健各秩滿進溥少傅兼太子太傅吏部尚

書謹身殿大學士濬少保兼太子太保戶部尚書武英殿大

學士健太子太保兼禮部尚書武英殿大學士

曉刻南京壽星見


丙寅昏刻月犯鍵星

丁卯裁臨洮鞏昌水利通判

己巳兵科給事中周旋言近年傳奉復行如往日黃忠杜裕

國權 弘治七年

十一



黃緣不過數人而張玘李綸輩遂至三十餘人玘綸等傳陞
方踰一日而李璫朱俊德又求加級恐自令以往投閑之人
皆引類而起矣不納
進士柯拱北為檢討直 王
復設大臣專理誥勅于是李東陽為禮部右侍郎理誥勅日
講少詹事陸簡為詹事程敏政為太常寺卿左庶子張昇為
少詹事

辛未南京戶部員外郎牛通貪鄙無耻嘗詬同官員外郎余
完致自刎死 上惡之戍建昌衛

乙亥周府聊城王安濟薨年二十謚懷和

丙子取鄉試羨金供禮闈應天山東山西河南陝西各八十
兩餘百金兩廣雲貴不與焉


戊寅夜南京地震

己卯叙州府大疫

辛巳旌故蒙化土知府左剛妻張氏貞節

曉刻月犯軒轅右星夜金星犯軒轅左星

甲申大通事錦衣指揮僉事王英言罕東左衛在哈密南其
程三日野七乞里在哈密東程二日怨土魯番次骨我撫之



皆兵也西域使者方叩關利互市我聲阿黑麻罪謝勿與通
彼窮而歸怨皆吾間也若然土魯番孤而自危安能有哈密
章下兵部

九月丁卯曉刻金星犯靈臺西星

已丑南京守備太監蔣琮有罪以傷聚寶山脈戍孝陵琮恣
橫累訐人至是始敗

壬辰前戶部左侍郎李嗣卒南海人景泰五年進士歷官有
惠政

前巡撫右甘肅右副都御史唐瑜卒上海人景泰二年進士

才豪爽頗粗厲居官有聲

癸巳興王辭山陵

丁酉南京地震

辛丑夜月犯天高星

癸卯興王之國

夜月犯井宿

乙巳汪宣何歆為南京御史

己酉進遂安伯陳韶平江伯陳銳成山伯王鏞俱太子太保
兵部尚書耿裕馬文升太子太保戶刑部尚書葉淇白昂右



都御史屠滂改左都御史俱太子少保

前南京刑部尚書張瑄卒江浦人正統壬戌進士授刑部主事歷郎中守吉安累進尚書善裁決平允年七十八賜祭葬甲寅火星犯木星

十月丁巳南京刑部尚書鄭時致仕

滁州地震

戊午增雲南解額二人貴州三人合五十人

己未旱災免陝西田租二十七萬四千三百八十餘石

定民兵額大州縣七八百里以上里二人五百里以上里三

人三百里以上里四人百里以下里五人

壬戌崇王見澤聞 太皇太后違豫求詣京問安諭止之

以內官監太監李廣言發卒萬人脩內府萬春壽安等宮遂安伯陳韶督之

癸亥免四川太平長官司逋茶令補租徵之


丙寅前戶部尚書李衍卒隆慶州人景泰辛未進士授兵部主事歷四川松潘右叅議擇要害立堡柵民始得耕性簡直所至以嚴見憚

戊辰傳制封祐欄荆王寘肇慶王賓瀚蜀王祐檣崇世子祐

國權

弘治七年

十四



梏慶元王旭櫪渭源王聰淑懷仁王勛激唐山王宸濠上高
王奠培宜春王聰浚隰川王成鈺宣寧王祐相永豐王成鈺
靈邱王

湖廣苗賊入靖州各關堡焚掠殺百戶

辛未南京地震

壬申卜入山丹衛

甲戌山東按察副使楊茂元言張秋之役劉大夏足辦餘滋
擾耳乞撤太監李興平江伯陳銳部覆不允又奏荒旱撤臨
清監丞李全亦不允

已卯定儀賓祿本色四之餘折色

先是在京富戶逃原籍歲徵五金至是止三金

癸未西安地震明日高陵縣復震


甲申哈密寄住夷人三種曰回曰畏兀兒曰哈刺灰至是
官酋七人

十一月丙戌朔復唐府承休王芝垠爵仍奪半俸

戊子進士史載德夏時李情為南京御史

壬辰曉刻金星犯房宿

癸巳南京地震



乙未夜月犯外屏星金星犯罰星

丁酉時訪畫士工科給事中柴昇言不宜留意報聞

戊戌勅孟密土舍象馬思撰執木邦宣慰使罕完法幽之三
年巡撫雲南張誥等議發兵檄諭之乃還罕完法械戎首三
十餘人待罪

癸卯總督兩廣右都御史閔珪為南京刑部尚書

曉刻木星見夜月犯酒旗星

甲辰秦府邵陽王誠淑薨年四十二謚溫穆

乙巳南京右通政呂憲為左通政其右通政缺俟焦芳服除

丙午故寧晉主簿劉舉捕盜死子弼蔭四川南津驛丞

曉刻金星犯天江星夜月犯左執法星

丁未右副都御史唐珣為右都御史總督兩廣軍務兼巡撫

進士楊遜為南京御史


戊申夜月犯火星

己酉陳璇嗣泰寧侯 陳桓之子

卜犯大同鎮下衛

壬子夜京師地震

甲寅增築各邊墩臺



十二月丁巳肅州天鼓鳴

戊午陝西提學僉事楊一清為副使仍督學

己未旱災免平陽大同田租

庚申 皇次子厚熹生

壬戌 入甘州平堡

癸亥曉刻火星犯亢宿

丙寅鎮守甘肅太監傅惠延綏太監陸閻互調

丁卯兵部左侍郎張海請拘阿黑麻貢使閉嘉峪關絕西域

貢道下兵部議

盖州衛地震

戊辰 憲廟順妃王氏薨

己巳戶部右侍郎秦民悅改吏部右侍郎

庚午改張秋曰安平鎮劉大夏疏孫家渡三十里四府營十

里亘長隄分大名山東水勢別通張秋南以漕五旬而畢

陝西按察使許進為左僉都御史巡撫甘肅

壬申總督南京糧儲右副都御史李蕙為左副都御史總督


漕運兼巡撫鳳陽廣西副總兵都指揮同知郭鉉為署都督

僉事漕運總兵官鎮守淮安

國權

弘治七年

十七



山東布政使左叅政張縉為右通政管沙河至德州河道

甲戌張秋河塞仍議黃陵岡工役

乙亥提督倉場戶部右侍郎佶鍾改南京工部右侍郎蕭楨為南京刑部右侍郎

兵部左侍郎張海都督同知維謙還甘肅言哈密存亡不足煩中國時哈密未定復得勅令賑恤甘涼邊軍不顧而入被劾上怒其不任下錦衣獄

丁丑楊綸韓普余本實邵蕃李紹張淳黃珂王用張隆陳策邱天祐馮清鄭宏吳華黃山方誌姚壽王恩姚祥范鏞邊憲

費鑑劉淮夏景和石玠趙鑑謝朝宣呂鹵鄧璋燕忠劉道立黃世經為御史


庚辰順天府尹黃傑為戶部右侍郎提督倉場應天府尹樊瑩為南京工部右侍郎

辛巳成都前衛貢士徐楠終養教授巡撫梁璟薦授夷陵州判官致仕

甘肅邊警英國公張懋都督莊鑑馬昇整京營兵候發

巡撫河南徐恪坐事調湖廣以湖廣巡撫韓文代

壬午災傷免陝西田租十之三



朝鮮國王李娣卒

國權

弘治八年乙卯

鹽官設遷孺木著

正月辛卯南京右僉都御史王軾為右副都御史總督南京糧

儲福建右布政使張玉南京太僕寺卿冀綺為應天府尹

壬辰詹事兼翰林侍讀學士陸簡卒字廉伯武武進人成化


二年進士授編修歷侍講右諭德庶子少詹事少有俊才頗

自負詩文峻潔有法性溫粹不妄交喜設節義年五十四賜

祭葬贈禮部右侍郎

國權 弘治八年

國家圖書館, NATIONAL CENTRAL LIBRARY, TAIWAN, R.O.C.



乙未刑部尚書彭韶卒字鳳儀莆田人天順丁丑進士授刑部主事進員外郎中屢論事後諫外戚田土下獄有直聲歷廣東左布政使劾梁芳弟德貢獻之擾累進巡撫應天入大理卿論鎮守進貢害民及司刑執法不撓好問學手不釋卷贈太子太保謚惠安

戊戌夜月犯軒轅右星

庚子四川建昌衛地震

辛丑夜月犯左執法星

壬寅後府右都督周玉卒玉安徽滁州人自宣府萬全都司

歷官至游擊將軍副總兵頗有聲晚年鎮守甘肅以衰敗被劾卒謚武僖

夜月犯進賢星


癸卯曉刻月犯木星

乙巳夜月犯氐宿

丙午夜月犯罰星

已酉募甘肅土兵禦防寇肅州右叅將彭清進左副總兵率兵嚴備

庚戌曉刻客星入危宿犯上星



壬子旱災免成都

去年田租之半

瓦剌寇涼州總兵官都督劉寧戰林山墩擒三人斬五十餘級角一日卜暮襲我擒其酋斬三十餘級夜又來襲斬二十餘級明日莊浪左叅將楊玉援我斬六級

甲寅懷柔伯施鑑卒

二月乙卯朔日食

丁巳曉刻木星犯進賢星

戊午少保兼太子太保戶部尚書武英殿大學士邱濬卒濬字仲深瓊山人景泰甲戌進士館選授編脩歷侍講侍講學

士司業祭酒以禮部尚書入相天稟奇絕博洽多聞雖僻事俚語類多諳曉下筆滾、數千言不休自御醫劉文泰訐王恕人皆不直濬所著大學衍義補家禮儀節世史正綱等集行于世贈特進左柱國太傅謚文莊遣行人歸其喪孫濬尚寶司丞

已未降兵部左侍郎張海山西右叅政都督同知維謙都督僉事


庚申昏刻月犯畢宿右星

辛酉肅州衛天鳴星隕

國權

弘治八年

三



壬戌安置土魯番使者兀兒的兀于廣西

乙丑岐王祐楡之國德安

禮部左侍郎兼翰林侍讀學士李東陽少詹事兼翰林侍講學士謝遷直文淵閣

廣西按察使楊守隨為南京右僉都御史

丙寅兵部右侍郎李介為左侍郎巡撫陝西右副都御史王

宗彛為兵部右侍郎

朵顏三衛夷連寇塞雲古北口

丁卯昏刻月犯靈臺星

己巳寧夏地震昏刻南京壽星見

壬申浙江永嘉暴風雨雹壞民舍禾麥

癸酉寧夏復地震

甲戌巡撫山西張敷華改陝西

乙亥肅州衛天鳴

丙子廷臣失朝豐城侯李璽等六百二十人罰運磚有差或

曰御史陳瑤嘗與璽爭坐瞰其未入遽中之


戊寅曉刻火星犯房宿

己亥築黃陵岡流河復故道南流

國權

弘治八年

四



庚辰大理寺左少卿顧佐為左僉都御史提督鴈門等關兼
巡撫山西

三月戊子趙縉王倬為南京御史

前禮部左侍郎萬翼卒翼大學士安之子

進士小

有才淫黷無行郎中時還里縣給役二人俱通其妻尤內亂
悖逆人不齒也

辛卯鄭府涇陽王見溢荒淫不道奪爵閑住

武平伯陳綱卒

宣府龍門衛地震有火見廣寧衛墩臺之旗端

癸巳賜朝鮮國王李娫謚康靖

甲午登州地再震如雷

丁酉內承運庫乞採礦補匱戶部議止之

己亥桐城雨雹殺麥寧夏地震者十二大壞邊牆城堡廬舍

庚子河南右布政使朱瑄為右副都御史巡撫蘇松常鎮兼
理糧儲至官即以造士恤荒抑強扶弱為任民繪像祠之一

辛丑陝西靖州衛地震如雷寧夏復地震至壬寅六月見


夜月犯東咸星

壬寅 太皇太后疾平諭 上曰粵自 英皇厭代予正位

國權

弘治八年

五



長樂 憲宗皇帝克盡子道以天下養二十四年無異一日
暨 皇帝嗣位寔能繼述先志敦尚彝倫奉養之禮至隆至
厚去年七月予偶嬰瘍疾 皇帝夜起祝天春郊罷宴問安
視膳寢食靡違頃者醫藥奏功克底康寧以昔校今父子一
道天地所臨 祖考攸鑒徵諸孝治必有休祥予心嘉焉是
用宣之于詞以表誠孝 上表謝 祖孫慈孝稱盛事矣
甲辰刑部右侍郎戴珊為左侍郎工部右侍郎謝綬改刑部
右侍郎
右通政杜明卒祥符人成化十四年進士善交人貴賤無忤

肅州天鳴

戊申水災免江西去年田租

己酉右春坊右諭德王鏊為侍讀學士右春坊右諭德楊守

陞為侍講學士

肅州衛嘉峪關地震郅泗桃源清河儀真安東暴雨雹殺麥


庚戌易州山廠工部右侍郎曾鑑署部事

四月甲寅朔太常寺卿齊章卒東安人成化二年進士

工部右侍郎徐貫等脩江南水道并賑濟事竣

宣府懷來衛地震

國權 弘治八年



丙辰左通政王傳為太僕寺卿理易州山廠

丁巳有星墜于歷城

庚申山西榆林陵川襄垣長子沁源及慶陽隕霜殺菽麥

壬戌太監金輔李珍行人王獻臣封朝鮮世子李暕為國王

癸亥昏刻月犯左執法星

甲子前左府都督同知王瑛卒

乙丑封都督同知張延齡建昌伯

庚午南京吏部尚書王儼致仕

辛未有星隕于鉛山

壬申當塗縣蝗

癸酉御史曹鳳請各省鄉試俱遣朝臣下所司

甲戌山西太平縣天鳴

乙亥洪遠為南京御史

常州及泗邳大雨雹

丙子沂州雨雹


戊寅大學士徐溥奏臣鄉宜興義田贍族乞立戶遵守從之免其徭

己卯進士鄒文盛夏易孫瑞王承裕王廷鍾渤徐沂李濬為

國權

弘治八年

七



給事中

出內庫舊甲七萬于工部脩作

庚辰渭南衛蓋州衛地震

辛巳逮山東按察副使楊茂元下錦衣獄降長沙同知初太

監李興治張秋祀河焚帛灰結若人形象懼茂元以聞請撤

興等專任劉大夏又欲斥盡士罷鎮守內臣忤旨逮降

南京戶部主事高垣勘災蘇松受賄下獄戍常德衛

廣東左布政使金澤為右副都御史巡撫江西南贛建昌潮

惠南雄汀彬裁南贛兵備副使

壬午釋輕囚

五月甲申太僕寺卿王傳以藩戚降鄖陽知府

湖廣布政使陶魯為湖廣右布政使仍兩廣兵備

乙未巡撫貴州右都御史鄧廷瓚回南院

丙申卜數入宣府龍門所

戊戌卜入遼東鎮北堡

庚子夜月犯牛宿


癸卯總督南京糧儲右副都御史王軾為左副都御史巡撫

貴州兼理軍務

國權

弘治八年

八



甲辰國子祭酒林瀚請明年增歲貢生實國學從之

前南京吏部尚書王儼卒武進人景泰辛未進士授編修歷祭酒吏部侍郎風采凝峻勤敏吏事文亦整潔為時所稱贈太子太保謚文肅子沂進士右副都御史

丁未廣西左布政使李孟暘為右副都御史總督南京糧儲庚戌四川布政司右叅議周瑛為右布政使環縣及慶陽衛雨雹

辛亥前撫治鄖陽右副都御史何經卒廣東順德人景泰五年進士寬厚不自炫

六月壬子朔南京雨自五月二日至是始霽

甲寅北_下野七克力部酋長亦刺思王滿哥各款肅州塞避_卜內附許之

乙卯京師地震


丙辰昏刻月犯靈臺星

戊午四川威州灌縣汶水地皆震

己未秦府沂陽王公鐔薨年六十謚端懿

庚申霸州雨雹

癸亥夜火星犯氐宿月犯東咸星



甲子黔縣雨穀黑白不可食

巳巳卜入密雲

前太子少保工部尚書賈俊卒東鹿人景泰元年貢士授御史歷撫寧夏持憲度嚴軍法入工部右侍郎賑河南進尚書飭材訓藝動必信度後人鮮能及之年六十八予祭葬

庚午戒南京勲臣乘輿

壬申前左府都督同知白玉卒

安邑縣雨雹傷禾

癸酉補造南京軍器

丙子張弘宜為南京御史

夜大星自房宿流至近濁

丁丑大學士徐溥等請昧爽視朝納之

七月辛巳朔秦府保安王誠漢薨年三十四謚榮穆

甲申山丹衛雨雹傷禾

乙酉洮州衛冰雹殺禾暴水溺人畜

丁亥追封宋儒楊時將樂伯祀孔廟


卜數入宣府獨石

戊子廣西副總兵歐磐等大兵擊平樂叛徭破之斬六千七

國權

弘治八年

十



十級俘八十餘人

金星晝見

夜月犯氐宿

己丑遼王恩鐸薨年四十四謚曰惠

南京右僉都御史楊守隨提督操江

甘肅總兵官都督同知劉寧為左都督

癸巳常州通判姚文灝為工部都水主事治蘇松常鎮杭嘉

湖水利賜勅

甲午土魯番速檀阿黑麻自稱可汗侵沙州脅罕東諸部兵

部尚書馬文升計下黠桀必加之兵宜如漢陳湯故事襲斬

之肅州撫夷指揮楊翥諳夷情召語之翥曰罕東兵三千為

鋒我三千援之畏糧數日間道兼程可克也遂勅罕東赤

兵

斤哈密三衛邊兵以副總兵彭清統之往

議築潮河川石城設密雲兵備副使

夜京城北方白蜺見月犯羅堰上星

乙未錦衣衛都指揮同知王清指揮使王濬為都督同知皆


皇太后弟


丁酉勅還內官監太監李興平江伯陳銳都御史劉大夏

國權

弘治八年

十一





庚子初召崇王見澤省 太皇太后以閣部科道諫止之

吉安知府顧福為河南布政司右叅政南陽撫民

辛丑昏刻木星犯進賢星

甲辰翰林五經博士孟元請貶封吏部請八品非例特許之

丁未卜入宣府永寧

卜犯宣府屢入

八月辛亥朔寧夏地震

癸丑卜犯延綏神木堡

巡撫湖廣徐恪奏長沙民圍苦曾生蓮華七日謝

甲寅寧夏地震

巳未薊州灤州各地震

庚申裁雲南巡礦叅議

宣府懷來衛灤州地震

壬辰肅州衛地震

癸亥諭脩省

乙丑昏刻月犯壘壁陣東星

丙寅寧夏地震有聲夜月食不應欽天監正吳昊等奪俸

巳未薊州灤州各地震

國權

弘治八年

十二

戊辰遼府應山王恩錙薨年三十八謚和僖
灤州地復震

庚午右副都御史劉大夏回院

辛未卜犯大同 堡指揮湛清中矢死

宣府懷來衛地復震夜月犯畢宿

甲戌內官監太監李廣以丹術符水見幸富人子袁相賂廣

選駙馬都尉將尚主被劾斥相廣不問宥司禮太監蕭敬楊

穆常紀

乙亥益王祐楨之國建昌

松潘賊入寇四川

丁丑馬文升等言災異迭見皆賦繁役重所致古十一而稅

今十稅四五往年京師倉庫易納近雜費倍之絲綿花絨布

一切物料交納尤難江南兌運正糧一石費至三四石桑棗

盡鬻而絲絹不免田畝盡鬻而稅糧猶存賦重民困未有甚

于此時也下所司議之

鄭王祁鏐薨年六十謚曰簡

戊寅馬湖土知府安鰲淫虐有罪伏誅安氏襲五世至是改

流官知府增府知事一

